

### কুয়েট

স্টাফ রিপোর্টার, খুলনা থেকে জানান, খুলনা প্রকৌশল ও প্রযুক্তি বিশ্ববিদ্যালয়ের (কুয়েট) ২০১৬-১৭ অর্থবছরের জন্য ৬০ কোটি ৮০ লাখ টাকার মূল রাজস্ব বাজেট অনুমোদন করা হয়েছে। রবিবার কুয়েটের সিন্ডিকেট সভায় এই বাজেট অনুমোদন করা হয়। একই সঙ্গে ২০১৫-১৬ অর্থবছরের ৪৫ কোটি ৯৫ লাখ টাকার সংশোধিত বাজেট অনুমোদিত হয়। সভায় সভাপতিত্ব করেন বিশ্ববিদ্যালয়ের ভাইস-চ্যান্সেলর ও সিন্ডিকেটের সভাপতি প্রফেসর ডি. মুহাম্মদ আলমগীর। কুয়েট সূত্র জানায়, ২০১৬-১৭ অর্থবছরের জন্য অনুমোদনকৃত ৬০ কোটি ৮০ লাখ টাকার বাজেটের মধ্যে বিশ্ববিদ্যালয় মঞ্জুরি কমিশনের মাধ্যমে সরকারী অনুদানের সম্ভাব্য পরিমাণ ধরা হয়েছে ৫৭ কোটি ৩৮ লাখ টাকা এবং নিজস্ব সূত্র হতে আয় ধরা হয় ৩ কোটি ৪২ লাখ টাকা। এর মধ্যে বেতন-ভাতাদি খাতে ৩৭ কোটি ৭৫ লাখ টাকা, পেনশন খাতে ৯ কোটি টাকা, সাধারণ আনুষঙ্গিক খাতে ৬ কোটি ৭০ লাখ টাকা, শিক্ষা আনুষঙ্গিক খাতে ৪ কোটি ৬৫ লাখ টাকা, মেরামত ও সংরক্ষণ খাতে ১ কোটি ৩০ লাখ টাকা এবং মূলধন মঞ্জুরি খাতে ১ কোটি ৪০ লাখ টাকা ব্যয় ধরা হয়েছে।